



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

9. Ludouicus Pius Imp. immunitatis priuilegia, per patrem suum Carolum
Magnum Blandiniensi monasterio, prope Gandauum, concessa, an. 815.
confirmat, petente Amando Abbate.

urn:nbn:de:hbz:466:1-10903

Data mense Augusto anno X..... regni nostri. Acta PADRE-BVRNA, fisco nostro super.....
Signum KAROLI gloriosissimi Regis.

N O T A T I O.

PADRE-BVRNA) seu Paderborna, vrbis est episcopalis Westphaliz: cuius loci Episcopatum Carolus Magnus institutum curauit ac dotauit.

C A P V T I X.

Ludouicus Pius Imp. immunitatis priuilegia, per patrem suum Carolum Magnum Blandiniensi monasterio, prope Gandavum, concessa, an. 815. confirmat, petente Amando Abate.

IN nomine Patris & Filij & Spiritus Sancti, LUDOVICVS diuina prouidentia Imperator Augustus. Si erga loca diuinis cultibus mancipata, propter amorem Dei, eisque in eisdem locis sibi famulantibus beneficia oportuna largimur, præmium nobis apud Dominum æternæ remunerationis rependi non diffidimus.

Proinde nouerit omnium fidelium nostrorum, tam præsentium quam futurorum solertia, quia vir venerabilis Abba AMANDVS, ex monasterio BLANDINIO, quod est constitutum in honore SS. Apostolorum Petri & Pauli, quod est situm in pago Gandensi super flumen Scaldim, obtulit obtutibus nostris immunitatem Domini & genitoris nostri KAROLI bona memorie piissimi Augusti.

In qua inuenimus insertum, qualiter idem genitor noster & antecessores Reges præfatum monasterium, propter diuinum amorem & reuerentiam diuini cultus, semper sub plenissima defensione & immunitatis tuitione habuissent: ob firmitatem tamen rei postulauit nos prædictus Amandus Abba, ut eandem auctoritatem, ob amorem Dei & reuerentiam SS. Apostolorum Petri & Pauli, nostra quoque confirmaremus auctoritate.

Cuius petitioni libenter acquieuimus, & hoc nostræ auctoritatis præceptum erga ipsum monasterium fieri iussimus: per quod iussimus atque præcepimus, ut nullus fidelium nostrorum, vel quilibet

ex

ex iudicaria potestate, in ecclesias, aut loca, vel agros seu reliquas possessiones memorati monasterij, quas moderno tempore, infractionem Imperij nostri, iuste & rationabiliter possidet, vel ea quæ deinceps à catholicis viris eidem collata fuerint monasterio, ad causas audiendas, vel feda, aut tributa exigenda, aut mansiones vel paradas faciendas, vel fideiussores tollendos, aut homines eiusdem monasterij, tam ingenuos quam seruos, super terrā ipsius comorantes, iniuste distingendos, nec villas redibitiones, aut illicitas occasiones requirendas, nostris aut futuris temporibus ingredi audeat, vel ea quæ supra memorata sunt penitus exigere præsumat. Sed liceat memorato Abbatii, suisque successoribus, res præfati monasterij, sub immunitatis nostræ defensione, quieto ordine poscidere.

Et quidquid Fiscus exinde sperare poterit, totum nos, pro aeterna remuneratione, præfato monasterio concedimus, ut in alimonia pauperum, & stipendio seruorum, ibidem Deo famulantium, perenniter proficiat in augmentum: quatenus ipsos seruos Dei, qui ibidem Deo famulantur pro nobis & coniuge, proleque nostra, atque stabilitate totius Imperij nostri, à Deo nobis concessi atque conseruandi iugiter Dominum exorare delecter.

Et ut hæc auctoritas à fidelibus sanctæ Dei Ecclesiæ ac nostris veritis credatur & diligentius conseruetur, manu propria subter firmauimus, & annuli nostri impressione muniri iussimus.

Signum LUDOVICI serenissimi Imperatoris.

HELIZACHAR recognoui & notaui.

Datum IV. Nonas Iunij, Christo propitio, anno II. Imperij Domini Ludouici p̄iissimi Augusti, Indictione VIII. An. 815

Actum Aquisgrani, palatio regio, in Dei nomine feliciter, amen.

N O T A T I O.

BLANDINIENSIS) Benedictinorum Abbatia, in monte Blandinio, iuxta Ganduum, à S. Amando, Tungensi seu Traiectensi ad Monsam Episcopo, circa an. 650. fundata, hodie S. Petri nomine innotescit.

C

CAPVT